

ხელშეკრულება სახელმწიფო შესყიდვების შესახებ № 63/30

ქ. თბილისი
// მარტი, 2019 წელი

11 03 19 63/30

შემსყიდველი: სსიპ „საქართველოს ეროვნული ბანკი“, აღმასრულებელი დირექტორის ვახტანგ ბურკიაშვილის სახით;

მისამართი: თბილისი, 0114, სანაპიროს ქ. 2;

საიდენტიფიკაციო კოდი: 203 824 148.

მიმწოდებელი: შპს „კომპანია GEOSM“, დირექტორის თეიმურაზ ახოზაძის სახით;

მისამართი: თბილისი, იურ.: ალ. ყაზბეგის №47 / ფაქტ.: მ.ასათიანის №14, ტელ: 214 91 19;

ელ. ფოსტა: info@geosm.ge;

საიდენტიფიკაციო კოდი: 404 873 614;

საბანკო რეკვიზიტები: სს „პროკრედიტ ბანკი“, კოდი: MIBGGE22, ა/ა: GE45PC0223600100010827.

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება №SPA190001043) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს დოკუმენტების და კომპაქტდისკების (CD) გასანადგურებელი აპარატების (შემდგომში „საქონელი“) შესყიდვა დანართის №1 და ხელშეკრულების პირობების შესაბამისად (CPV კოდი – 30191400).
- 1.2. დანართი №1 წარმოადგენს წინამდებარე ხელშეკრულების განუყოფელ ნაწილს.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან;
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებენ სეზ-ის შესყიდვების და ლოჯისტიკის დეპარტამენტის უფროსი და/ან მის მიერ უფლებამოსილი პირი/პირები;
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა ან შეცვალოს უხარისხო საქონელი.

3. საქონლის მიწოდებისა და მიღება ჩაბარების წესი

- 3.1. მიმწოდებელმა საქონლის შემსყიდველისათვის მიწოდება უნდა განახორციელოს ეტაპობრივად, ხელშეკრულების გაფორმებიდან - 7 (შვიდი) ცალი არაუგვიანეს 10 (ათი) დღისა, ხოლო 8 ცალი არაუგვიანეს 4 (ოთხი) თვისა, შემდეგ მისამართზე: ქ. თბილისი, სეზ-ის სათაო ოფისი, სანაპიროს №2;
- 3.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ;

- 3.3. საქონლის მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი;
- 3.4. მიწოდებული საქონლის საბოლოო შემოწმების ადგილია სეზ-ის სათაო ოფისი: თბილისი, სანაპიროს ქ. №2;
- 3.5. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის და წუნდების მიზეზის მითითებით;
- 3.6. შემსყიდველის მხრიდან 3.2. პუნქტში აღნიშნული მიღება-ჩაბარების აქტის ხელმომწერი პირია სეზ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. წინამდებარე ხელშეკრულებით გათვალისწინებული საქონლის საერთო ღირებულება შეადგენს **4143.90 (ოთხი ათას ას ორმოცდასამი ლარი და ოთხმოცდაათი თეთრი) ლარს** („ხელშეკრულების ფასი“);
- 4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს;
- 4.3. მიწოდებული საქონლის ღირებულების გადახდა ხორციელდება უნაღდო ანგარიშსწორების წესით;
- 4.4. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად საქონლის მიღებიდან და მიმწოდებელის მიერ სათანადო დოკუმენტაციის (ანგარიში, საგადასახადო ა/ფაქტურა, ინვოისი) წარმოდგენიდან (იმისდამოკიდებით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი;
- 5.2. შემსყიდველი ვალდებულია გადაუხადოს მიმწოდებელს ფაქტიურად მიწოდებული საქონლის ღირებულება ხელშეკრულებით გათვალისწინებული პირობების შესაბამისად;
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი;
- 5.4. მიმწოდებელს უფლება აქვს მიწოდებული საქონლის სანაცვლოდ მიიღოს მისი ღირებულება.

6. მხარეთა პასუხისმგებლობა ხელშეკრულების პირობების შეუსრულებლობისათვის

- 6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.
- 6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ვადაგადაცილების ყოველი დღისათვის, რომლის გადახდა მოხდება მისთვის ასანაზღაურებელი თანხიდან გამოქვითვის საშუალებით.
- 6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.



- 6.4. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ გადაგადაცილებულ დღეზე გადასახდელი თანხის 0,02%-ის ოდენობით.
- 6.5. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.
- 6.6. იმ შემთხვევაში, თუ 6.2 პუნქტში აღნიშნული დაგვიანება შეადგენს 10 (ათი) დღეს, შემსყიდველი უფლებამოსილია ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 6.1 ან 6.3 პუნქტით გათვალისწინებული სანქციები.

7. გარანტია

- 7.1. მოწოდებული სისტემის სრულფასოვანი ფუნქციონირების საგარანტიო ვადა და პირობები, რომლის განმავლობაშიც მიმწოდებელი ვალდებულია საკუთრი ხარჯებით აღმოფხვრას ყველა გამოვლენილი უწყესიგრობა ან შეცვალოს მოწოდებული საქონელი, მოცემულია ტექნიკურ დავალებაში.

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 8.5. მხარე ვალდებულია 8.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს;
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

- 9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ

- 9.3. შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან; მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

- 10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

- 11.1. ხელშეკრულება ძალაში შედის მისი ხელმოწერის დღიდან და მოქმედებს სულ მცირე 30 დღის განმავლობაში ხელშეკრულების შესრულებიდან, მაგრამ არაუგვიანეს 2019 წლის 31 დეკემბრისა.
- 11.2. წინამდებარე ხელშეკრულების მე-6 და მე-7 მუხლებით გათვალისწინებული ვალდებულებები ძალაში რჩება საგარანტიო პერიოდის გასვლამდე.

12. ზოგადი დებულებები


- 12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს;
- 12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით;
- 12.3. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

ვახტანგ ბურკიაშვილი


საქართველოს ეროვნული
აღმასრულებელი დირექტორი



მიმწოდებლის მხრიდან:

თეიმურაზ ახოზაძე

შპს „კომპანია GEOSM“
დირექტორი



ბ.ა.

ფასების ცხრილი

№	საქონლის დასახელება, აღწერილობა და მოდელი	მწარმოებელი კომპანია, წარმოშობის ქვეყანა	რ-ბა (ცალი)	ფასი (ლარებში)	
				ერთ.	საერთო
1	დოკუმენტების და კომპაქტდისკების (CD) გასანადგურებელი აპარატი - DELI 9924. კვება: ცვლადი დენი, 220ვ/50ჰ; ძრავის სიმძლავრე: 350ვატი; მოწყობილობას გააჩნია: ავტომატური სტარტისა და გაჩერების ფუნქცია; მიწოდებისა და რევერსის ფუნქცია; უწყვეტი მუშაობის რეჟიმი: 10წთ; კალათის ტევადობა: 17 ლიტრი; განადგურების სიჩქარე: 2მ/წთ; ანადგურებს: ერთდროულად 8 (რვა) ცალი A4 ფორმატის 80გრ/მ ² ფურცელს, CD და DVD დისკებს, პლასტიკურ ბარათებს, სკრეპებს და სტეპლერის ტყვიებს; უსაფრთხოების დონე: (DIN 66399 სტანდარტის მიხედვით): P-3 / T-3 / E-2; დაქუცმაცებული მასის ზომები: ქაღალდი - 4.0მმ x 32მმ; CD, DVD და პლასტიკურ ბარათები - 2.0სმ; ხმაურის დონე: 70დბ.	ჩინეთი/ DELI	15	276.26	4143.90
სულ:					4143.90

შენიშვნა: მოცემული ფასები მოიცავს საქონლის სრულყოფილად მიწოდებასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს.

- საქონლის სრულფასოვანი ფუნქციონირების საგარანტიო ვადა: 24 თვე საქონლის მიწოდებიდან. აღნიშნულ პერიოდში საქონლის მწყობრიდან გამოსვლის შემთხვევაში მიმწოდებელი ვალდებულია შეაკეთოს ან გამოცვალოს საქონელი ან მისი ნებისმიერი ელემენტი 72 საათში შემსყიდველის შესაბამისი შეტყობინების მიღებიდან;

შემსყიდველის მხრიდან:

ვახტანგ ბურკიაშვილი


საქართველოს ეროვნული ბანკი
აღმასრულებელი დირექტორი



მიმწოდებლის მხრიდან:

თეიმურაზ ახოზაძე

შპს „კომპანია GEOSM“
დირექტორი



ბ.ა.